

■ TRIBUNA POLITICA

69 000 paginas prescripziuns federalas èn da memia!

DA CUSS. NAZIUNALA MAGDALENA
MARTULLO-BLOCHER

Actualmain èn en vigur en Svizra 4900 decret federals cun totalmain 69 000 paginas. Già per ina simpla cruschada datti 140 decret. La tendenza mussa vers ensi. Emna per emna vegnan 120 ulteriuras paginas tiers! Passa la mesadad da las prescripziuns federalas èn contracts internaziunals, bunamain in terz èn decret da l'administraziun. Las leschas dal parlament importan mo 10% e las iniziativa dal pievel schizunt mo 1%.

Ils custs totals da la regulaziun vegnan stimads sin 60 milliardas francs ad onn (u 10% da noss product naziunal brut)! Il cussegl federal stima ils custs per concessiuns da construcziuns autas sin 1,8 milliardas francs, quels per las 4000 paginas dretg da l'ambient medemamain sin 1,8 milliardas francs e quels per las 850 paginas are-



guard la segirezza a la lavur e la segirezza cunter accidents sin 1,2 milliardas francs ad onn! L'igiema da victualias chaschuna oz custs dad 1,3 milliardas francs ad onn, la nova ordinaziun da victualias da 2000 paginas e 5,6 kilos duai effectuar en ils manaschis adattaziuns da 270 milliuns francs. Per mintga restaurant u hotel resultan uschia 575 francs daplì custs ad onn.

Manaschis pitschens e mesauns èn spezialmain pertutgads da la regulaziun. L'uniun d'artisanadi

e mastergn e la hotellaria/gastronomia pretendan ad auta vusch da reducir las regulaziuns. Fin oz han pliras intervenziuns politicas fatg naufragi. En la situaziun actuala, nua che blers manaschis cumbattan supplementarmain cunter influenzas dal curs da stgomi, è mintga ulteriura grevezza pervi da novas prescripziuns totalmain deplazzada!

La piazza economica svizra dovra urgentamain meglieraziuns. Il parlament sto perquai tschentar al cussegl federal ed a l'administraziun in mandat da reducir las prescripziuns. Jau sun per la regulaziun d'eliminar per novs custs da regulaziun dubel uschè blers custs existents. Questa regulaziun vegn già applitgada a l'exteriur. Nus burgais essan dumandads dad opponer insatge a la vana da burocracia. Quai dastgan ils manaschis, nosas piazzas da lavur ed il futur da la piazza economica svizra spetgar da nus!